

Broj: 101-113/18 HH

Zenica, 08.01.2018. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716- 111-1/17 HH od 08.01.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-112/18 HH od 08.01.2018. godine u postupku dodjele okvirnog sporazuma za izvođenje radova na asfaltiranju prekopa sa i bez pripremljene podloge na području grada Zenice, i prihvata se preporuka Komisije za nabavke, da se okvirni sporazum zaključi sa ponuđačem:

ŠPIC BETON d.o.o. Zenica,

kao najbolje ocjenjenom ponuđaču

prema ponudi protokolisanj pod brojem:716-19.807/17 od 26.12.2017. godine, za ponuđenu cijenu od 42.500,00 KM bez uračunatog PDV-a, odnosno sa vrijednošću ponude sa uračunatim preferencijalnim faktorom domaćeg (10%) u iznosu od 38.250,00 KM, bez PDV-a.

II

Prijedlog okvirnog sporazuma dostavit će se na potpis izabranom ponuđaču ŠPIC BETON d.o.o. Zenica, nakon isteka roka od 15 dana, računajući od dana kada su svi ponuđači obavješteni o izboru najpovoljnije ponude.

III

Cijena ponude iz čl.1. ove Odluke, nakon provedene e-aukcije je umanjena za 28,36 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za izvršenje ove Odluke zadužuje se Komisija za nabavke, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-18.875/17 HK od 08.12.2017 godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 59.850,00 KM.

Dana 12.12.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-3-766-3-73/17, objavljena je i tenderska dokumentacija.

Poziv za preuzimanje tenderske dokumentacije broj: 713-18.875-2/17 HK od 12.12.2017. godine upućen je sljedećim ponuđačima:

1. ALMY-TRANSPORT d.o.o. Zenica,
2. ŠPIC BETON d.o.o. Zenica ,

3. ZEKO-S d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 27.12.2017. godine u 13:46 sati, utvrđeno je da su sljedeći ponuđači preuzeli tendersku dokumentaciju:

1. d.o.o. GEO-PUT,
2. ekapija d.o.o.,
3. KOMGRAD –ZE d.o.o.,
4. BBS Europe,
5. ŠPIC BETON d.o.o. Zenica,
6. OXA d.o.o.,
7. Almy-transport d.o.o..

Komisija za nabavku imenovana je Odlukom broj: 101-9.366/17 MS od 15.06.2017. godine.

Komisija za nabavku je dana 08.01.2018. godine direktoru preduzeća dostavila Zapisnik o ocjeni ponuda broj: 716-112/18 HH od 08.01.2018. godine i Preporuku o izboru najpovoljnijeg ponuđača broj: 716-111-1/18 HH od 08.01.2018. godine, u postupku javne nabavke za izvođenje radova na asfaltiranju prekopa sa i bez pripremljene podloge na području grada Zenice.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 7 (sedam).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

U ponudi ponuđača Almy-transport d.o.o. Zenica, je ustanovljeno, nakon provjere računске ispravnosti ponude, da ponuđač u Aneksu 1–Obrazac za cijenu ponude, ukupan iznos ponude, sa uračunatim popustom, nije napisao slovima.

Iz predhodno navedenih razloga ponuda ponuđača Almy-transport d.o.o.Zenica, se odbija na osnovu člana 68. stav 4, tačke (i), Zakona o javnim nabavkama BiH.

Također, isti ponuđač je dostavio Potvrdu od VTK BiH o preferencijalnom tretmanu domaćeg.

Ponuđači Špic beton d.o.o. Zenica i KOMGRAD–ZE d.o.o. Zenica su dostavili Potvrdu od VTK BiH o preferencijalnom tretmanu domaćeg, a koju će ugovorni organ, u smislu čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda, nakon provedene e-aukcije.

Ponuđači Špic beton d.o.o. Zenica i KOMGRAD-ZE d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 04.01.2018. godine, u terminu od 12:00 do 13:00 sati.

E- aukcija je održana u zakazanom terminu.

Učesnici e-aukcije su mijenjali iznose svojih ponuda.

Konačne ponude, nakon završetka postupka e-aukcije su:

1. ŠPIC BETON d.o.o. Zenica, vrijednost ponude u iznosu od 42.500,00 KM, bez PDV-a.
2. KOMGRAD –ZE d.o.o. Zenica, vrijednost ponude u iznosu od 42.948,00 KM, bez PDV-a.

Uvidom u priloženu dokumentaciju, konkurentskog zahtjeva za dostavu ponuda broj:713-18.875-1/17 HK–za izvođenje radova na asfaltiranju prekopa sa i bez pripremljene podloge na području grada Zenice, a tokom preliminarne pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena ponuđača ŠPIC BETON d.o.o Zenica neprimodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, prihvatljivih ponuda / ponuđača kako slijedi:

1. ŠPIC BETON d.o.o.Zenica,

sa ukupnom cijenom ponude od 42.500,00 KM, bez uračunatog PDV-a, a koja sa uračunatim preferencijalnim faktorom (10%) iznosi 38.250,00 KM, bez PDV-a.

2. KOMGRAD–ZE d.o.o. Zenica,

sa ukupnom cijenom ponude od 42.948,00 KM, bez uračunatog PDV-a, a koja sa uračunatim preferencijalnim faktorom (10%) iznosi 38.653,20 KM, bez PDV-a.

te dala preporuku da se okvirni sporazum zaključi sa najuspješnijim ponuđačem ŠPIC BETON d.o.o. Zenica, na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



Direktor:

Pašalić Emir
Pašalić Emir, dipl.ing.građ.